




REPUBLIKA E KOSOVES-REPUBLIKAKOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranimi / Dorezuar Prilipi/Prilato Received/Unleaved	15.11.2022	2	viti god year
Organ/Instit Organ/Institucia Org./Inst.	Rr./Prof Rr./Prof Prof.No	Shifra Prilog Appendix	Sasia Kolicina Quantity
SKIMS/SHOK	7079/2022		117



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.805/2022

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave në përbërje nga: Jeton Koca,-kryetar, Eshref Shabani dhe Malsore Gashi Bjaraktari -anëtarë me Ardita Perçuku-Shyti-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr.805/2022 të datës 19.09.2022 të parashtruar nga ankuesja me adresë fshati në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datën 14.11.2022, mori këtë:

V E N D I M

- I. Aprovohet si e bazuar ankesa me numër A.nr.805/2022 e datës 19.09.2022 e parashtruar nga ankuesja
- II. Anulohet procedura e rekrutimit me numër reference RN00008870 për grup të pozitive "Specialist të Përgjithshëm të Shërbimeve Sociale - Zyrtar për Shërbime Sociale 2", e shpallur më datë 22.04.2022 nga Komuna e Kamenicës.
- III. Obligohet Udhëheqësi i Personelit të Komunës së Kamenicës, që të ndërmerret të gjitha veprimet e nevojshme administrative për zbatimin e këtij vendimi brenda afatit prej pesëmbëdhjetë (15) ditësh nga data e pranimit të tij.
- IV. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesja më datë 19.09.2022 ka parashtruar ankesën me numër të protokollit 5477/2022 të regjistruar nën shenjen A.nr.805/2022 në Këshillin e Pavarur Mbikëqyrës për Shërbimin Civil të Kosovës, kundër Vendimit me numër Sh.03 Nr.28843 të datës 08.09.2022 të Komisionit të Vlerësimit të Komunës së Kamenicës, për shkak të shkeljeve të dispozitave të ligjit material dhe vërtetimit të gabuar dhe jo të plotë të gjendjes faktike.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 21.09.2022 ka proceduar kërkesën për përgjigje në ankesë të Komuna e Kamenicës, ndërsa me datë 25.10.2022, ka pranuar përgjigjen në ankesë nga Komuna e Kamenicës se bashku me shkresat ndërlidhur me çështjen në procedurë.

Kryetari i Këshillit të Pavarur Mbikëqyrës për Shërbimin Civil të Kosovës, me datën 31.10.2022, me Vendimin VK.nr.136/2022 ka vazhduar afatin për vendosje në këtë çështje ankimore edhe për dhjetë (10) ditë pune.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën me numër të protokollit 5477/2022 të regjistruar nën shenjen A.nr.805/2022 në Këshillin e Pavarur Mbikëqyrës për Shërbimin Civil të Kosovës; Njoftimin Nr.123/02.09.2022 lidhur me rezultatet e vlerësimit nga Njësia e Burimeve Njerëzore; Njoftimin Nr.58/14.06.2022 lidhur me përfundimin e verifikimit paraprak pas shqyrtimit të ankesave nga Njësia e Burimeve Njerëzore; Listën Nr.53/08.06.2022 lidhur me kandidatët të cilëve iu është aprovuar aplikimi dhe te cilëve iu është refuzuar; Konkursin me numër RN00008870 të datës 22.04.2022; Vendimin Nr.28843 të datës 08.09.2022 i Komisionit të Pranimit për Zhvillimin e Procedurave Rekrutuese për Pozitat e Lira të grupit profesional Specialist të Përgjithshëm të Shërbimeve Sociale; Njoftime të ndryshme në web faqe të datës 13.05.2022 dhe 16.05.2022; Njoftimin e Komunës së Kamenicës të datës 14.05.2022; Vendimin Sh.02 Nr.18631 të datës 16.06.2022 lidhur me formimin e Komisionit të Pranimit nga Komuna e Kamenicës; Vendimin Sh.02 Nr.18453 të datës 14.06.2022 lidhur me formimin e Komisionit të Pranimit nga Komuna e Kamenicës; Vendimin Sh.02 Nr.19050 të datës 20.06.2022 lidhur me formimin e Komisionit të Pranimit nga Komuna e Kamenicës; Kërkesën për përgjigje në ankesë me nr. protokollit 5583 të datës 21.09.2022 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë me nr. protokollit 6458 të datës 25.10.2022 nga Komuna e Kamenicës lidhur me shkresat e bashkangjitura të lëndës; Ankesën e ankueses e parashtruar tek Komisioni i Pranimit në Komunën e Kamenicës; Listën e aplikantëve e gjeneruar tek SIMBNJ; Renditjen përfundimtare të kandidatëve e gjeneruar tek SIMBNJ; Vendimin Sh.03 Nr.28843 të datës 08.09.2022 nga Komisioni i Pranimit të Komunës së Suharekës; Vendimin Sh.03 Nr.28842 të datës 08.09.2022 nga Komisioni i Pranimit të Komunës së Suharekës; Akt Emërimin Sh.02 Nr.37624 të datës 04.12.2019; Akt Emërimin Sh.02 Nr.27211 të datës 09.09.2021; Vendimin Sh.02 Nr.14672 të datës 11.05.2022 nga Njësia e Burimeve Njerëzore e Komunës së Kamenicës; Akt Emërimin Sh.02 Nr.8014 të datës 20.03.2020; Akt Emërimin Sh.02 Nr.22405 të datës 19.07.2022; Akt Emërimin Sh.02 Nr.3624 të datës 04.12.2019; Akt Emërimin Sh.02 Nr.27211 të datës 09.09.2021; Akt Emërimin Sh.02 Nr.8014 të datës 20.03.2020; Aplikacionin e kandidatës të datës 18.05.2022 së bashku me dëshminë mbi përgatitjen profesionale dhe atë të punës; Aplikacionin e kandidatës të datës 18.05.2022 së bashku me dëshminë mbi përgatitjen profesionale dhe atë të

punës; Aplikacionin e kandidatës F.M të datës 17.05.2022 së bashku me dëshminë mbi përgatitjen profesionale dhe atë të punës, Certifikatën e lëshuar nga Gjykata Themelore në Gjilan dhe kopjen e letërnjoftimit; Aplikacionin e kandidatit L.K të datës 16.05.2022 së bashku me dëshminë mbi përgatitjen profesionale dhe atë të punës, certifikatën e lëshuar nga Gjykata Themelore në Gjilan si dhe kopjen e letërnjoftimit; Aplikacionin e kandidatës N.Sh të datës 18.05.2022 së bashku me dëshminë mbi përgatitjen profesionale dhe atë të punës, kopjen e letërnjoftimit; Aplikacionin e kandidatit R.S të datës 19.05.2022 së bashku me dëshminë mbi përgatitjen profesionale dhe atë të punës, kopjen e letërnjoftimit; Aplikacionin e kandidatës Sh.B-Sh të datës 20.05.2022 së bashku me dëshminë mbi përgatitjen profesionale dhe kopjen e Letërnjoftimit; Aplikacionin e kandidatës Shqiponjë L.S të datës 16.05.2022 së bashku me dëshminë mbi përgatitjen profesionale dhe atë të punës si dhe kopjen e letërnjoftimit; Aplikacionin e kandidatës T.K-H të datës 17.05.2022 së bashku me dëshminë mbi përgatitjen profesionale dhe atë të punës si dhe kopjen e letërnjoftimit; Aplikacionin e kandidatës V.V të datës 13.05.2022 së bashku me dëshminë mbi përgatitjen profesionale, certifikatën e lëshuar nga Gjykata Themelore në Gjilan si dhe kopjen e pasaportës dhe Rezultatet e vlerësimit të kandidatëve si dhe Vendimin me numër VK.nr.135/2022 të datës 31.10.2022 nga Këshilli i Pavarur Mbikëqyrës për Shërbimin Civil të Kosovës; Listën e ngushtë të datës 08.06.2022 me numër Nr.53/08.06.2022 nga Njësia e Burimeve Njerëzore; Certifikatën nga gjykata me numër 1013/2022 të datës 09.06.2022 nga D.I; Certifikatën nga gjykata me numër 877/2022 të datës 16.05.2022 nga F.M; Certifikatën nga gjykata me numër 792/2022 të datës 06.05.2022 nga L.K si dhe Diplomën e studimeve universitare me numër 7616 të datës 11.10.2021 nga UP për kandidatin D.I; Ankesën e ankueses D.I të datës 09.06.2022 e parashtruar tek Njësia e Burimeve Njerëzore të Komunës së Kamenicës; Letër referencën me numër Nr.04/2021 të datës 30.04.2021 të kandidatës D.I.; Vendimin me numër Sh.02 Nr.18396 të datës 14.06.2022 të Njesisë së burimeve njerëzore të Komune së Kamenicës dhe Certifikatën nga gjykata me numër 1013/2022 të datës 09.06.2022 nga D.I.

Kolegji për Shqyrtimin dhe Vendosijen e Ankesave bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi së është e bazuar ankesa e ankueses, *sepse*:

Nga administrimi i shkresave të lëndës rezultoi se Komuna e Kamenicës me datë 24.04.2022 ka shpallur Konkursin më numër reference RN00008870 për grupin e pozitave "Specialist të Përgjithshëm të Shërbimeve Sociale", titulli i pozitës "Zyrtar për Shërbime Sociale" klasa profesional 2, e në të cilin konkurs ka aplikuar edhe ankuesja duke u përfshirë në të gjitha fazat e rekrutimit.

Sipas Renditjes Përfundimtare të kandidatëve (pa datë dhe nënshkrim të anëtarëve të Komisionit të Vlerësimit), kandidatja e përzgjedhur është vlerësuar me gjithsej 88 pikë duke u renditur si kandidati i parë në listë, kandidatja njëherit ankuese është vlerësuar me gjithsej 79.8 pikë duke u renditur si kandidatja e dytë, ndërsa kandidatja është vlerësuar me gjithsej 74.1 pikë duke u renditur e treta në listën përfundimtare të kandidatëve të suksesshëm.

Menaxheri i Personelit të Komunës së Kamenicës përmes Njoftimit me nr.123/02.09.2022 të datës 02.09.2022 ka shpallur rezultatet e vlerësimit përfundimtar për pozitën e grupit Specialist të Përgjithshëm të Shërbimeve Sociale- Zyrtar për Shërbime Sociale.

Ankuesja e pakënaqur me renditjen përfundimtare, parashtron ankesë pranë Komisionit të Vlerësimit, i cili me Vendimin me numër Sh.03 Nr.28843 të datës 08.09.2022 ka refuzuar ankesën e ankueses si të pa bazuar. Kundër këtij vendimi ankuesja brenda afatit ligjor parashtron ankesë

në Këshillin e Pavarur Mbikëqyrës për Shërbimin Civil të Kosovës me pretendimin ankimor se Konkursi me numër reference RN00008870, për pozitën e punës *Specialist të Përgjithshëm të Shërbimeve Sociale- Zyrtar për Shërbime Sociale*, është përfshirë më shkelje të dispozitave të Ligjit Nr.06/L-114 për Zyrtarët Publikë, vërtetim të gabuar dhe jo të plotë të gjendjes faktike si dhe shkelje të dispozitave materiale. Tutje ankuesja thekson se Konkursi është publikuar vetëm në SIMBNJ dhe jo në web faqen e Komunës; Komisioni i Vlerësimit është themeluar në kundërshtim me nenin 18 të Ligjit Nr.06/L-114 për Zyrtarët Publikë, pasi që në përbërje të Komisionit nuk ka pasur asnjë anëtarë nga fusha e pozitës së shpallur; Lista e ngushtë është shpallur pas 19 ditësh rrjedhimisht në kundërshtim me nenin 15 paragrafi 4 të Rregullores Nr. 16/2020 për Pranimin dhe Karrierën në Shërbimin Civil të Republikës së Kosovës; dhe se Komisioni i Vlerësimit nuk ka bërë vlerësim të drejtë të ankueses pasi që ankuesja pretendon se ka arsim me superior dhe se kandidatja e përzgjedhur nuk ka dy vite përvojë pune e kërkuar sipas konkursit. Për arsyet e cekura me lartë ankuesja kërkon që ankesa të aprovohet si e bazuar, të anulohet vendimi i kundërshtuar më ankesë dhe rrjedhimisht Konkursi me numër reference RN00008870 i datës 22.04.2022.

Në funksion të vlerësimit të ligjshmërisë së pretendimeve ankimore, Kolegji i Këshillit ka analizuar dispozitat ligjore referuar procedurës dhe kushteve të pranimit të nëpunësve civilë, përkatësisht:

Ligjin Nr.06/L-114 për Zyrtarët Publikë, nenin 6 ku përcaktohet se: "*Pranimi në detyrë i nëpunësit civil, nëpunësit të Shërbimit Publik dhe nëpunësit administrativo teknik dhe mbështetës, bazohet në parimet e mundësive të barabarta, meritës dhe integritetit, mos diskriminimit dhe përfaqësimit të drejtë dhe proporcional gjinor dhe të komuniteteve; dhe nenin 34 ku përcaktohet se: 1. Përveçse kur parashikohet shprehimisht ndryshe në këtë ligj, pranimi në Shërbimin Civil bëhet në kategorinë profesionale në grupin e administrimit të përgjithshëm dhe në secilin nga grupet e administrimit të veçantë. 2. Pranimi në kategorinë profesionale bëhet nëpërmjet një konkurrimi të hapur dhe publik. Konkurrimi organizohet në mënyrë periodike dhe sipas nevojave dhe së paku një herë në vit, për grupin e administrimit të përgjithshëm dhe për secilin nga grupet e administrimit të veçantë. 3. Konkurrimi organizohet nga DMZP për institucionet e administratës shtetërore dhe nga Njësia e Burimeve Njerëzore për çdo institucion tjetër (në tekstin në vijim: njësia përgjegjëse). 4. Njoftimi për hapjen e procedurës të konkurrimit shpallet në një afat jo më të shkurtër se 21 ditë, nga data e përcaktuar për paraqitjen e aplikimit, nga njësia përgjegjëse, në ueb faqen unike të procedurave të konkurrimit të SIMBNJ dhe me mjete të tjera të përshtatshme..... Shpallja e konkursit, sipas paragrafit 4 të këtij neni, përfshin përshkrimin e përgjithshëm të punës për grupin përkatës, pozitat e punës të lira në grupin përkatës, kriteret që duhet t'i plotësojnë kandidatët, afatin për aplikim, të dhënat e hollësishme për zhvillimin e procesit të përzgjedhjes dhe dokumentacionin që duhet paraqitur për aplikim. 6. Konkurrimi zhvillohet në dy faza: 6.1. verifikimi paraprak, nëse kandidatët i plotësojnë kriteret e përgjithshme dhe ato të veçanta, sipas shpalljes së konkursit; 6.2. vlerësimi i njohurive dhe cilësive profesionale të kandidatëve. 7. Verifikimi paraprak kryhet nga Njësia e përgjegjëse, ndërsa vlerësimi i kandidatëve bëhet nga Komisioni i pranimit (në vijim: Komisioni i pranimit), i krijuar për secilin grup të administrimit të përgjithshëm apo administrimit të veçantë për të cilin zhvillohet konkurrimi.12. Komisioni i pranimit përbëhet nga të paktën 5 persona, me këtë përbërje: një (1) përfaqësues nga Njësia përgjegjëse; tre (3) nëpunës civilë të nivelit të mesëm apo të ulët, drejtues të specializuar në fushën përkatëse sipas grupit për të cilin zhvillohet konkurrimi, dhe një (1) ekspert i jashtëm në procesin e përzgjedhjes nga organizata të specializuara apo universitetet.*

Rregulloren (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, nenin 9 ku përcaktohet se: "*1.Shpallja e një procedure konkurrimi publikohet nga Njësia Përgjegjëse në uebfaqen unike të procedurave të konkurrimit dhe emërimit, pjesë e Sistemit Informativ për*

Menaxhimin e Burimeve Njerëzore (në tekstin e mëtejshëm: "SIMBNJ"). 2. Përveçse përcaktohet në paragrafin 1 të këtij neni, shpallja e konkurimit publikohet, sipas rastit edhe në: 2.1. ueb faqen e ministrisë përgjegjëse për administratën publike, për konkurimet për pranimin në shërbimin civil në Institucionet e Administratës Shtetërore, si dhe në uebfaqet e secilit institucion të administratës shtetërore si vegëz e veçantë e ndërlidhur me SIMBNJ apo në; 2.2. ueb faqen e Institucionit Tjetër Shtetëror për konkurimet për pranimin në këto institucione...", nenin 15 ku përcaktohet se: "1. Verifikimi paraprak është procesi i verifikimit nëse kandidati plotëson kushtet për aplikim. 2. Verifikimi paraprak kryhet nga Njësia Përgjegjëse, në bazë të dokumenteve të paraqitura si pjesë e aplikimit dhe verifikimeve të tjera sipas detyrës zyrtare që ndërlidhen me verifikimin paraprak. 3. Në përfundim të verifikimit paraprak, Njësia Përgjegjëse përcakton kandidatët që plotësojnë kushtet për aplikim. Vetëm kandidatët që plotësojnë kushtet për aplikim kanë të drejtë të vazhdojnë më tej konkurimin në fazën e mëtejshme, e cila njihet si lista e ngushtë. 4. Kandidatët të cilët plotësojnë kushtet për aplikim renditen në një listë sipas rendit alfabetik. Lista shpallet në pajtim me nenin 9 të kësaj Rregulloreje por jo më vonë se pesëmbëdhjetë (15) ditë nga data përfundimtare e pranimit të aplikacioneve..." Neni 18 ka paraparë se: "Për konkurimin në një Institucion Tjetër Shtetëror, institucioni themelon një Komision Pranimi për të gjitha Grupet për të cilat zhvillohet konkurimi. 2. Komisioni i Pranimit në pajtim me paragrafin 1 të këtij neni përbëhet nga: 2.1. një (1) anëtar nga Njësia Përgjegjëse, i cili kryeson komisionin; 2.2. tre (3) anëtarë nga nëpunësit civilë të nivelit të ulët apo të mesëm drejtues që ushtrojnë detyrën në pozita punë të specializuara lidhur me fushën e njohurive, aftësive dhe cilësive për të cilat kryhet vlerësimi i kandidatëve; 2.3. një (1) ekspert i jashtëm në fushën e përzgjedhjes/vlerësimit të burimeve njerëzore, nga organizata të specializuara apo universitetet e fushës... 6. Paragrafët 4 dhe 6 të nenit 17 të kësaj Rregulloreje, zbatohen përshtatshmërisht dhe në këtë rast.

Rregulloren (QRK) Nr.26/2020 për Klasifikimin e Vendeve të Punës në Shërbimin Civil, ku me nenin 33 theksohet se: *Klasat përbërëse të kategorisë Profesionale, dhe emërtesat e lejuara për secilën klasë janë: Profesional 1- Zyrtar i lartë; Profesional 2 - Zyrtar i mesëm; Profesional 3 - Zyrtar, Profesional 4- Zyrtar Administrativ; ndërsa me Shtojcën Nr.1/9 si kërkesa të përgjithshme formale për klasën Profesional 2 janë përcaktuar: a) Arsimimi i kërkuar: Diplomë/a të studimeve universitare me të paktën 180 kredi/ECTS apo ekuivalente me to. b) Kualifikime të posaçme formale: Certifikata, Licenca kur kërkohen me legjislacionin në fuqi apo kur vlerësohet se janë të nevojshme për pozitat e kësaj klase. c) Përvoja e punës e kërkuar: Së paku 2 (dy) vite përvojë pune në fushën për të cilën zhvillohet procedura për plotësimin e pozitës së lirë të punës. Kurse sipas Shtojcës Nr. 2 për Gr. Specialistë të Përgjithshëm të Shërbimeve Sociale kod nr. 12, si fusha të arsimit janë përcaktuar Psikologji/ Punë Sociale dhe të ngjashme.*

Duke ju referuar kuadrit ligjor të përshkruar si më lartë, Kolegji i Këshillit lidhur me pretendimet ankimore të ankueses e duke u bazuar në provat e administruara të çështjes, ka gjetur se Konkursi më numër reference RN00008870 për pozitën e grupit "Specialist të Përgjithshëm të Shërbimeve Sociale-Zyrtar për Shërbime Sociale" është shpallur vetëm në ueb faqen unike të procedurave të konkurrimit të SIMBNJ, ndërsa nga organi i punësimit nuk ka dëshmi së konkursi në fjalë është shpallur edhe në mjete tjera të përshtatshme të informimit, kështu që pretendimi ankimor mbi këtë bazë ankimore është i drejtë. Ndërsa, përkitazi me pretendimin ankimor se Komisioni i Vlerësimit është themeluar në kundërshtim me nenin 18 të Rregullores Nr.16/2020 për Pranimin dhe Karrierën në Shërbimin Civil të Republikës së Kosovës, Kolegji i Këshillit nga shqyrtimi i provave të lëndës ka konstatuar se me Vendimin numër Sh.02 nr.188 të datës 16.06.2022 të Kryetarit të Komunës së Kamenicës është themeluar Komisioni i Pranimit për zhvillimin e procedurave rekrutuese për pozitat e lira të grupit "Specialist i Shërbimeve Sociale", rrjedhimisht Kolegji i Këshillit nga shkresat e lëndës ka konstatuar se në kuptim të hierarkisë së pozitave të punës të anëtarëve, Komisioni i Pranimit nuk ishte i themeluar siç përcaktohet me dispozitat e nenit 18

paragrafi 2 të Rregullores Nr.16/2020 për Pranimin dhe Karrierën në Shërbimin Civil të Republikës së Kosovës, sepse në përbërje të Komisionit të Pranimit nuk ishin se paku tre anëtar të nivelit të mesëm apo të ulët drejtues.

Lidhur me pretendimin ankimor të ankueses se lista e ngushtë është shpallur në kundërshtim me nenin 15 paragrafin 4 të Rregullores Nr.16/2020 për Pranimin dhe Karrierën në Shërbimin Civil të Republikës së Kosovës, Kolegji nga analizimi i provave të lëndës ka gjetur se konkursi me numër reference RB00008870, ka qenë i hapur për aplikim nga data 13.05.2022 deri me datën 20.05.2022, ndërsa sipas provave të lëndës rrjedhë se lista e ngushtë është hartuar me datën 08.06.2022, me çka nënkupton se verifikimi paraprak i aplikantëve është bërë nëntëmbëdhjetë (19) ditë nga dita përfundimtare e pranimit të aplikacioneve, e që është jashtë afatit ligjor të përcaktuar sikurse me dispozitat e nenit 15 paragrafit 4 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, sipas së cilës është përcaktuar se: "4.Kandidatët të cilët plotësojnë kushtet për aplikim renditen në një listë sipas rendit alfabetik. Lista shpallet në pajtim me nenin 9 të kësaj Rregulloreje por jo më vonë se pesëmbëdhjetë (15) ditë nga data përfundimtare e pranimit të aplikacioneve", andaj në këtë kuptim edhe pretendimi ankimor i ankueses është i bazuar dhe i drejtë.

Sipas Konkursit me numër reference RN00008870 për pozitën e grupit "Specialist të Përgjithshëm të Shërbimeve Sociale-Zyrtar për Shërbime Sociale- profesional 2", si kërkesa formale të veçanta janë përcaktuar: **Arsimi:** Diplomë/a të studimeve universitare me të paktën 180 kredi/ECTS apo ekuivalente me to; **Përvojë e punës:** Së paku dy vite përvojë pune në fushën për të cilën zhvillohet procedura për plotësimin e pozitës së lirë të punës dhe si rrjedhojë organi i punësimit respektivisht Komuna e Kamenicës, nuk ka zbatuar drejtë dispozitat materiale dhe rrjedhimisht ka vepruar në kundërshtim me nenin 18 të Rregullores (QRK) Nr.26/2020 për Klasifikimin e Vendeve të Punës në Shërbimin Civil, sepse tek kriteri i arsimimit nuk ka specifikuar fushën e arsimit për pozitën e shpallur siç është përcaktuar me Shtojcën Nr.2, Gr.12 të Rregullores (QRK) Nr.26/2020 për Klasifikimin e Vendeve të Punës në Shërbimin Civil dhe Ligjin Nr.02/L-17 Për Shërbime Sociale dhe Familjare.

Kolegji i Këshillit nga analizimi i dokumentacionit të aplikimit të kandidatës fituese po ashtu ka gjetur se njësia përgjegjëse nuk ka vërtetuar drejtë gjendjen faktike, sepse bazuar në shkresat e lëndës gjegjësisht sipas dëshmimeve të dorëzuara është konstatuar se kandidatja e përzgjedhur

me rastin e aplikimit për pozitën përkatëse të punës, lidhur me përvojën profesionale ka bashkangjitur Diplomën me numër 7616 të datës 11.10.2021 sipas së cilës dëshmohet se ka përfunduar studimet themelore me datën 22.09.2021 pranë Fakultetit Filozofik të Universitetit të Prishtinës "Hasan Prishtina", në Departamentin për Punë Sociale dhe ka marrë titullin "Baçelor i Punës Sociale", ndërsa si përvojë të punës ka prezantuar Marrëveshjen e praktikës pedagogjike me Caritas për periudhën kohore nga 01.12.2021 deri me datë 30.06.2022, Marrëveshjen për Angazhim për Punë praktike në Qendrën për Punë Sociale në Kamenicë për periudhën nga data 04.04.2022 deri me datë 03.10.2022 dhe Referencën e datës 07.06.2021 të lëshuar nga Drejtori i Qendrës për Punë Sociale në Kamenicë më te cilën është konfirmuar se ka punuar si praktikante në këtë qendër nga data 01.03.2021 deri me datë 28.05.2021, rrjedhimisht mbi bazën e këtyre dëshmimeve Kolegji i Këshillit konstaton se kandidatja e përzgjedhur nuk ka përmbushur kriterin e përvojës së punës pasi që e njëjta deri me datën e aplikimit në Konkursin më numër reference RN00008870 nuk ka pasur gjithsejtë dy (2) vite përvojë pune siç është kërkuar me konkurs, rrjedhimisht e gjithë përvoja e punës së kandidatës së përzgjedhur ka të bëjë vetëm me punë praktike, kështu që në

kuptim të nenit 16 paragrafit 4 të Ligjit Nr.03/L-112 të Punës, puna praktike e praktikantit me përgatitje pasuniversitare, universitare dhe të lartë mund të zgjasë më së shumti një (1) vit.

Andaj, për shkak të metave të konkurs në kuptim të mos specifikimit të fushës së arsimimit dhe duke marrë parasysh shkeljet procedurale dhe të ligjit material, të evidentuara si me lartë, Kolegji i Këshillit konstaton se kjo procedure e rekrutimit është e paligjshme në kuptim të nenit 52 paragrafit 1.3 dhe 1.5 të Ligjit Nr.05/L-031 për Procedurën e Përgjithshme Administrative, kështu që me qëllim të kthimit të ligjshmërisë, duke u bazuar në nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës, u vendos si në dispozitiv të këtij vendimi.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS
Lënda me numër A.nr.805/2022

Ardita Perçuku-Shyti

Ardita Perçuku-Shyti
Procesmbajtëse



Vendimi i dërgohet:

- Ankueses
- Kryetarit të Komunës së Kamenicës;
- Udhëheqësit të Njesisë së Burimeve Njerëzore në Komunën e Kamenicës; dhe
- Arkivit të KPMSHCK-së.